



SIPA uhapsila trojicu bivših pripadnika Armije BiH OPTUŽENI ZA UBISTVA SRBA U ZALAZJU

• Arifović, Smajlović i Salihović terete se za zločine u okolini Srebrenice, u istom periodu koji je naveden i u optužnici protiv Nasera Orića • Ovo je pritisak Tužilaštva, smatraju u Savezu RVI-ja

Policijски službenici Državne agencije za istrage i zaštitu (SIPA) jučer su na području Tuzle uhapsili tri osobe zbog postojanja osnova sumnje da su tokom 1992. godine na području opštine Srebrenica počinile ratni zločin. Uhapšeni su Izet Arifović, zvani Čiza, Suad Smajlović, zvani Šošon, i Amir Salihović, zvani Arkan, bivši pripadnici Armije Republike BiH.

Ubistva civila

Iz Tužilaštva BiH je saopšteno da su prilikom napada na selo Zalazje, 12. jula 1992. godine, osam civila srpske nacionalnosti, kao i četiri tijela, dovezeni u policiju u Srebrenici. Tu je osumnjičeni Arifović, pucnjem iz vatrenog oružja iz neposredne blizine, usmrtio jednog civila srpske nacionalnosti

Osumnjičeni Arifović tereti se da je nakon dolaska kamiona iz Policijske stanice izveo dva civila srpske nacionalnosti, nakon čega je uzeo automatsku pušku i ubio ih pucnjima iz vatrenog oružja.

- Nakon što su njihova tijela natovarena na kamion, osumnjičeni Smajlović je, primijetivši da jedna od žrtava daje znakove života, pucao rafalom, te su na taj način usmrtili dvojicu zarobljenih civila, navodi se u saopćenju.

Također, navedeno je kako je osumnjičeni Salihović preostale zarobljenike odveo na kamionu u nepoznatom pravcu, nakon čega više nisu viđeni živi. Nakon rata, posmrtni ostaci nekih od žrtava pronađeni su i ekshumirani, a za ostalim posmrtnim ostacima se još traga.

Izet Arifović je još osumnjičen da je 21. juna 1992. godine, u mjestu Ratkovići, ubio civila srpske nacionalnosti Živana Prodanovića, koji je ranije predao oružje i sjedio sve-



Orić pred Sudom BiH sa advokaticom



zanih ruku, nakon čega mu je osumnjičeni prišao, naredio da ustane i usmrtio ga pucanjem iz vatrenog oružja.

Među zarobljenim civilima srpske nacionalnosti nalazili su se Branko Simić, Petko Simić, Miodrag Rakić, Miladin Tubić, Ivan Cvjetinović, Nedeljko Gligić, Marko Jeremić, Ljubiša Gligorić i Dragomir Vujadinović.

Savez ratnih vojnih invalida Tuzlanskog kantona i Koordinacija boračkih udruženja TK-a jučer su održali pres-konferenciju, a povodom hapšenja trojice osumnjičenih. Kako je kazao predsjednik Saveza RVI-ja Fahrudin Hasanović, koji je tokom rata vodio jedinice Armije BiH na području Bratunca, cilj jučerašnjih hapšenja jeste stvoriti pri-

tisak na potencijalne svjedoke u slučaju Nasera Orića.

Presretanje svjedoka

Podsjećamo, Sud BiH je već potvrdio optužnicu protiv Nasera Orića i Sabahudina Muhića, koji se terete da su u periodu od maja do decembra 1992. godine u mjestima Zalazje, Lolići i Kunjevac ubili troje zarobljenika srpske nacionalnosti.

- Mi smo za to da svako odgovara za ono što je učinio, ali mislimo da su ovo nevini ljudi. Ovo je samo pritisak na ljude koji su potencijalni svjedoci odbrane Nasera Orića i oni bi mogli dokazati da komandant Orić nije učinio ono za što se tereti. Ovo presretanje svjedoka ima za cilj da ih se uplaši i da se možda oni pogode sa tužiteljstvom i da kažu stvari koje njima odgovaraju, a ne idu u prilog ratnom komandantu. Ubijeden sam da će sva trojica dokazati nevinost, kazao je Hasanović.

Dodao je i to kako se na ovaj način pokušava stvoriti slika da su ovi zločini protiv srpskih civila uzrok tome što je srpska vojska 1995. godine, u znak odmazde, počinila zločine i genocid nad stanovništvom Podrinja.

Prema informacijama koje je na konferenciji iznio Hasanović, Amir Salihović je zaposlenik u tuzlanskom zatvoru i brat ratnog načelnika Srebrenice, Suad Smajlović ima privatnu zaštitarsku agenciju, dok Arifović ima građevinsku firmu koja poslove uglavnom obavlja na području Bratunca i ostalih općina Podrinja.

M. ALJIĆ

Nema mira ni nakon 20 godina

Pres-konferenciji su prisustvovali i predstavnice udruženja sre-

Page: 12

Reach: 0

Country: BOSNIA AND HERZEGOVINA

Size: 398 cm2

2 / 2

breničkih majki. Hajra Ćatić nam je kazala kako je ovo kontinuiran pritisak na Bošnjake, koji nemaju mira ni 20 godina nakon što su izvukli živu glavu pred četničkim zločincima.

- Jasno je da pokušavaju da izjednače zločine, ali je žalosno što niko ne vidi da nevini ljudi strada-

ju u tome i da ljudi koji su jednom preživjeli užase, ponovo prolaze kroz isto. Ova hapšenja postaju sve učestalija i plašimo se da neće stati sa procesuiranjem nevinih Bošnjaka, kazala nam je Ćatić, predsjednica Udruženja Žene Srebrenice.



Hasanović:
Sva trojica
će dokazati
da su
nevina